

Բայց Հայաստանի ազատութեան հարցը դրանով չմեռաւ: Հայ ժողովրդի ու հայ հայրենիքի մեծագոյն մասը այժմ գտնուում էր տաճիկների իշխանութեան ներքոյ: Իսկ տաճիկան իշխանութիւնը, իր բարբարոսութեամբ, ոչնչով պակաս չէր պարսկականից, եթէ չասենք՝ դեռ աւելի էր: Տաճիկահայութիւնը դրտնրում էր նոյն ծանր վիճակում, գուցէ եւ աւելի, ինչ որ պարսկահայութիւնը:

Եւ ահա շատ քնական ձեւով, 19-րդ դարի սկիզբներին, հրապարակ է դալիս Տաճիկահայաստանի ազատութեան հարցը եւ մինչեւ օրս էլ դրադեցնում է հայ քաղաքական միտքը:

Հրապարակ են դալիս հայ յեղափոխական կուսակցութիւնները, իրենց քաղաքական ծրագիրներով, նախկին մելիքների, իշխանների ու կաթողիկոսների փոխարէն եւ բոլոր թափով գործի լծուում:

Դիւանագիտական միջոցները եւ արտաքին ուժերի մասնակցութիւնը հայ ժողովրդի ա-

զատութեան գործում — որ միակ ճանապարհն էին համարում հնում — այժմ էլ չեն արհամարհում, սակայն ջանքերի ծանրութեան կենդրոնը դրսից տեղափոխուում է ներսը, եւրոպայից ու Ռուսաստանից դէպի Հայաստան: Այժմ հայ ժողովուրդն է նկատուում այն գըլխաւոր ոյժը, որը պիտի իրականացնի իր ազատութիւնը, այն էլ ո՛չ թէ խաղաղ-կուրտուրական ճանապարհով, այլ ապստամբութեան եւ յեղափոխութեան միջոցով:

Ու եթէ այդ դժուարին գործում հայ ժողովրդին օգնութեան գան նաեւ եւրոպական պետութիւնները կամ նրանցից մէկն ու մէկը — այդ դէպքում աւելի կը հեշտանայ հայ ժողովրդի հերոսական պայքարը իր ազատութեան համար:

Ահա թէ ինչո՛ւ այդ ուղղութիւնը կամ օրինատացիան մենք անուանեցինք հայ-օտար օրինատացիա:

Բայց այդ մասին մի աւելի պատեհ պոթիւ:

# Հ Ա Յ Կ Ե Ա Ն Ք Ը

(ԱՄՍԱԿԱՆ ՏԵՍՈՒԹԻՒՆ)

Գրեց՝ Ա. ԱՔԱՆ

## ԽՈՐՀՐԴԱՀԱՅ ԿԵԱՆՔ

Կեանքը Հայաստանում դարձել է անտանելի: Մի կտոր հացի խնդիրը դերիշխում է մարդկային մագմութիւնների մտքի և հոգու վրայ, և օրէ ցօր աւելի ու աւելի նշմարուող սովի ուրուականը ստիպում է մարդկանց՝ մտաւորական թէ դիւղացի՝ իրենց փրկութեան միակ ելքը համարել փախուստը Խորհրդային դժոխքից:

Վտանդի ենթարկելով իրենց կեանքը Խորհրդային քաղաքացիները անցնում են Արաքսը եւ ապաւինում Պարսկաստան: Շատերին քշում է կառավարական տերրորը, որ նոր թափով վերսկսուել է մասնաւորապէս վերջին ամիսներում:

Այսօր մենք ստոյգ տեղեկութիւններ ու-